



国学基本经典

全梁文

〔清〕

严可均辑

商务印书馆

下

中国最古老最完整的文学总集

全梁文

下 册

〔清〕严可均 辑
冯瑞生 审订

商 务 印 书 馆

1999年11月北京

《国学基本经典》

出版说明

出版《国学基本经典》旨在向读者提供一套能体现中国传统文化精华的经典作品。

一个历史悠久的民族，其独特的人文心理、品格灵魂，大多由这个民族的传统经典酿成。所以，作为一个中国人、一个有文化的中国人，在一定程度上了解中国的传统经典便显得特别重要。

《国学基本经典》的选目和出版规模本着两个原则：国学的；基本的。换言之：这套书是最应该让今天的读者了解，而今天的读者也最希望了解的中国传统经典作品。全书将分集分册陆续与读者见面。

参加本书整理工作的同志大都是研究整理国学的专家学者，他们在本书均以“某某审订”的方式署名。他们认为本书的整理，应该是在前人研究整理的基础上作出自己的判断甄别，加以删衍补脱纠错。奉献在读者面前的本书，凝聚了几代人的艰辛和汗水。

——虽然如此，本书仍然免不了存在错讹，望得到读者的批评指正。

全梁文目录

上 册

武帝 (卷一至卷七)	1
简文帝 (卷八至卷十四)	83
元帝	160
敬帝 (已上卷十五至卷十八)	204
昭明太子统 (卷十九至卷二十一)	205
临川王宏	235
临贺王正德	236
安成王秀	236
安成王欣	237
南平王伟	237
南平王恪	238
萧映	239
长沙王渊业 [一作深业, 又单作业, 避讳]	240
衡阳王元简	240
萧曷 [一作景, 避讳]	241
萧昂	242
萧昱	242
邵陵王纶	243
萧圆照	250
萧方等 (已上卷二十二)	251

萧子范	251
萧子显	255
萧子云 (已上卷二十三)	259
萧子暉	262
萧珍素 [一作眇素]	263
萧介	264
萧琛	265
萧靡	273
萧和	273
萧绮 (已上卷二十四)	273
沈约 (卷二十五至卷三十二)	274
江淹 (卷三十三至卷三十九)	351

下 册

孙谦	421
沈麟士	421
顾宪之	424
夏侯详	427
伏曼容	428
伏暉	429
伏挺	430
乐蔼	431
何点	432
何胤	433

何炯	433	何佟之 (卷四十九)	517
何敬容	434	徐勉	526
曹景宗	435	徐怿	540
刘思效	435	徐搞	540
范述曾 (已上卷四十) ...	436	江革	541
任昉 (卷四十一至卷四十四)		江颢 (已上卷五十)	542
.....	436	王僧孺	542
谢朓	472	王僧恕	559
谢举	473	王僧崇 (已上卷五十一至卷五十	
韦叡	474	二)	560
范岫	474	陆倕	561
王茂	475	陆云公	569
王莹	475	陆杲	572
谢幾卿	476	陆煦	573
范缜	477	裴子野 (已上卷五十三)	
范云	483		574
范孝才	484	张充	585
范筠 (已上卷四十五) ...	484	张率	586
陶弘景 (卷四十六至卷四十七)		殷芸	588
.....	485	殷钧	589
王志	503	高爽	590
王揖	504	庾昙隆	590
王泰	504	王中	592
王缉	505	曹思文 (已上卷五十四)	
王珍国	505		594
王暕	506	钟岍	598
王彬 王斌	506	钟嵘 (已上卷五十五) ...	598
严植之	506	刘之遴	608
贺瑒	507	丘迟	612
贺琛	508	裴邃	616
阮研	512	裴之横	616
袁昂 (已上卷四十八) ...	512	丘仲孚	617

马元和	618	何逊	654
蔡傅 (已上卷五十六) ...	618	徐缙	656
刘峻	619	王靖 (已上卷五十九) ...	656
刘歆 (已上卷五十七) ...	629	吴均 [一作筠]	657
周兴嗣	631	刘勰	661
司马筠	631	刘孝绰 (已上卷六十) ...	667
柳恽	633	刘潜	674
庾黔娄	633	刘孝威 (已上卷六十一)	
许懋	634		682
谢广	637	陈庆之	685
陆玮	637	陈昕	685
明山宾	638	朱异	686
周捨	641	到洽	689
司马褰 (已上卷五十八)		刘昭 (已上卷六十二) ...	689
.....	643	刘缓	694
柳澄	644	祖暕	695
谢绰	644	朱史	698
庾咏	645	虞履	698
王琳	645	虞僧虬	699
王锡	646	虞曷	699
王希聘	647	陈宣懋	700
张緌	647	傅岐	701
陆珽	648	王僧辩	701
沈宏	648	元树	703
颜缙	649	元法僧 (已上卷六十三)	
孙挹	649		704
刘洽	650	张纘	705
王仲欣	650	张綰 (已上卷六十四) ...	715
沈缙	651	王筠	716
张翻	651	王述	722
郭祖深	652	皇侃 (已上卷六十五) ...	722
何侃	654	庾肩吾	725

阮孝绪 (已上卷六十六)	734
任孝恭	741
谢郁	745
黄士龙	746
大士傅弘	746
王曼颖	747
沈绩	748
褚洵	750
宗士标	750
庾元威 [一作唐元威]	751
王琛	754
王彭 (已上卷六十七)	754
后梁宣帝	755
明帝	760
后主	761
甄玄成	761
沈重	762
尹德毅	763
王琳 [一作韦琳]	764

列 女

刘令娴 (已上卷六十八)	765
--------------	-----

阙 名

奏	765
议	767
启	767
书	767
七	769

铭 (已上卷六十九)	773
侯景臣王伟	774

外 国

盘盘国王	781
丹丹国王	782
于阗利国王	782
狼牙修国王	783
婆利国王	783
中天竺国王	784
师子国王 (已上卷七十)	785

释 氏

释宝志	785
释僧祐 (已上卷七十一至卷七十二)	786
释慧皎 (卷七十三)	811
释明彻	825
释宝唱	825
释法云	827
释智藏	828
释僧顺	828
释僧果	833
释智恺	834
释昙斐 (已上卷七十四)	834

大凡《全梁文》七十四卷，二百四人。

全梁文卷四十

孙 谦

谦字长逊，东莞莒人。宋元嘉中，豫州刺史赵伯符引为左军行参军，历江夏王义恭大司马、太宰二府参军，出为句容令。泰始初，建安王休仁以为司徒参军，迁明威将军、巴东建平二郡太守，还为抚军中兵参军。元徽初，迁越骑校尉、征北司马府主簿，进左军将军。齐初，为宁朔将军、钱塘令。永明初，为冠军长史、江夏太守，免为中散大夫。明帝将废立，出为南中郎司马。入梁，为辅国将军、零陵太守，征拜光禄大夫。天监十五年卒，年九十二。

诫外孙荀匠

主上以孝治天下，汝行过古人，故发明诏，擢汝此职。非唯君父之命难拒，故亦扬名后世。所显岂独汝身哉！（《梁书·荀匠传》）

临终遗命

吾少无人间意，故自不求闻达，而仕历三代，官成两朝，如我资名，或蒙赠谥，自公体耳。气绝即以幅巾就葬，每存俭率。比见輶车过精，非吾志也。士安束以蓬蔕，王孙裸入后地，虽是匹夫之节，取于人情未允。今使棺足周身，圹足容棺，旒书爵里，无曰不然，旒表命数，差可停息，直僦輶床，装之以篋，以常所乘者为魂车，他无所用。（《南史·孙谦传》）

沈麟士

麟士〔一作“骅士”〕字云祯，吴兴武康人，宋侍中怀文族

子。元嘉末，访举学士，县以应选，寻称疾归。终宋至齐，累征不就。梁受禅，与何点同征，又不就。天监二年卒，年八十五〔《齐书》作年八十六，今从《南史》。案《祖德颂》云，天监癸未，盖碑文作于临卒之年也〕。有《集》六卷。

与沈约书辞表荐

名者实之宾，本所不庶。中央无心，空勤南北。为惠反凶，将在于斯。（《南史·沈麟士传》）

答张永使者辞功曹

明府德履冲素，留心山谷，民是以被褐负杖，忘其疲病。必欲饰混沌以蛾眉，冠越客以蝉冕，走虽不敏，请附高节，有蹈东海而死耳，未忍受此黥劓。（引《沈麟士别传》）

沈氏述祖德碑

沈莫盛于吴兴。始吾祖戎，建大勋，辞显秩，繇江北避地，居吴之馀不乡，其卒也，于永平元年。葬乡之金鰲山，时有金鹅飞集，三鸣而去。童谣曰：“金鹅鸣，沈氏兴，代代出公卿。”遂更名其山曰金鹅。夫天发物祥，人应歌咏，繇来之数，厥非偶然。盖由沈氏积善累行，肇基既远，而戎祖盛德大业，足以纘先绪，光祖宗，感天祐，昌后嗣，故吉祥之事，动而先见耳。沈本姬姓，自帝善之妃姜嫄，践巨人迹而生后稷，树艺五谷，开粒食之源，貽万世之利，《书》曰“后稷播种，蒸民而粒”是也。传槃玺叔望裔不窟生鞠，鞠生公刘，复修后稷之业，百姓怀之。子庆节，国于豳，继皇仆、差弗、毁隃、公非辟方、高圉侯牟、亚圉云都、组紺诸懿及古公亶父，笃于仁义，避狄迁岐，民皆舍故土而归之。古公传王季文王，圣化普被，归命者四十国，孔子曰：“周之德，其可谓至德也已矣。”迨武王受命，其同母弟聃季载，乃文王十子也。有才德，为司空，封于汝南平舆之沈亭，为沈子国，沈氏得姓，实始诸此。聃季卒，子伯桓立，伯桓卒，子垆立，垆卒，子采立，采卒，子乙初立，乙初卒，子苏立，苏卒，无嗣，弟杼承统。杼之子庚向，壬局，而庚向入为

周卿，勤于王事，仍封其子忽于沈，忽卒，子不立，不立卒，子辛生立，辛生卒，子已济立，已济卒，子遇立，遇卒，子楫立，楫卒，子德胤立，德胤卒，子鲋立，鲋卒，子逞立，年尚幼，周敬王元年，吴伐之，奔楚，子嘉立，以不赴召陵之会，晋怒，使蔡人灭其国。自聃季至嘉，历世十八，国虽小弱，然率忠厚，鲜有兵革之警。嘉生尹丙、尹戌，才略杰出，精于兵机，入楚为令尹。戌生诸梁，字子高，有五虎之威，九牛之力，怒发强须，摧锋敢战，楚封为叶公，生茂春及尹射、尹文。茂春袭叶爵，传叶氏族。尹射生尹赤、尹未，隐华山，尹文生随，楚内史司户参军。随生永中、乙奇，永中生犹行，受业于曾子之门，仕齐卫大夫。犹行生安仁，安仁生同，俱齐大夫，居武城。同生郢，有才名，秦始皇并天下，诏封丞封辞徙江南。郢生平，平生祖，祖生保，汉文帝以征蛮功封竹邑侯。保生遵，太子太傅敷德侯，家九江之寿春。遵生达及逵，达为骠骑将军，生乾，拜尚书令，乾生南阳太守弘，弘生河南郡守昂及勳，昂生御史中丞奋，奋生将作大匠子恪，恪生尚书关内侯谏及谦，谦生靖，济阴太守。谏生戎，字威卿，初为光禄勋，以九江从事，迁济阳太守。时尹良逆命，戎不烦兵甲，往谕降之，光武赐茅海昏侯，辞不受，因居吴兴，子孙蕃衍，毓秀产灵。凡金鹅乡之沈，皆出于祖戎，德文并著，辉映后先。戎子鄆，字圣通，零陵太守，有善政，芝草生，黄龙见。次曰礼，尚书令。鄆子侍御史景，字孟高，安平相。洵字仲高，帝以景端鲠清直，迁相河间王，捕诸奸佞，导王以礼，帝赐衣一袭以嘉之。景子荆州刺史彦，彦子湘东守文谿，谿子海阳令夔，夔子澜，澜子充，充子劲，官扬威将军，死节不屈，朝廷嘉其忠，赠东阳太守。劲子大长秋赤黥及吏部尚书嘉。赤黥长子膺期，晋大中大夫。中子叔任，益州刺史。少子说道，梓潼太守。嘉子发，散骑常侍。次子垺，车骑将军。膺期生四子，长庆之，累建大功，加始兴公，赠司空。次虔之，为乐安令，居官清素，民皆德之。次岳，次峻，并文名冠世，峻为西台学士。其他支派咸昌，名人代有，照耀史策，统而举之，或远引高蹈，或致君泽民，或立言垂范，或折冲

御侮，或孝友于家庭，或忠节殉国难，沈氏之兴，莫是过也。斯岂非戎祖盛德垂统之所致欤！宋元嘉三年，伯父叔兄辈侍中怀文贞公演之、襄公庆之、乐安令虔之、参军璞之、新宁男融之、吏部尚书昙庆、五兵尚书怀明、光禄大夫孟頔、征西长史叔仁等，念祖德不忘，表请于朝。诰曰：“东汉故臣沈戎，沈国嫡系，世有善行，才智兼长，忠义自矢，遂敢身入虎穴，谕以至诚，一矢不加，逆子格面，茅社之锡，用以旌功。乃国难既夷，挂冠远遁，舍故宅为佛寺，弃封侯如脱屣，进不为身，退不为名，忠上洁己，邦家之光，沈氏积善，唯戎述之，可追封为述善侯。”并敕其所舍寺曰怀德寺。呜呼！戎祖之德，久而弥彰矣。夫人于利害之关，富贵之际，见不透，决不力，避难苟禄，死无得称，以视戎祖为何如邪？是知叶祥于天人，而昭显于嗣裔，赠爵于后王，皆繇德也。麟士自愧固陋，雅志林泉，缉古人之遗书，考先世之德业，窃恐前徽或湮，后昆罔继，故述其大凡，勒之墓侧，以志不忘云。时大梁天监癸未春三月吉旦。（《湖录·金石考四》）

终制遗令

气绝剔被，取三幅布以覆尸，及敛，仍移布于尸下，以为敛服，反被左右两际以周上，不复制覆被，不须沐浴，含珠以米，裙衫先著殓，凡二服，上加单衣、幅巾、履枕，棺中唯此。依士安用《孝经》，既殡，不复立灵座，四节及祥，权铺席于地，以设玄酒之奠。人家相承漆棺，今不复尔。亦不须旌，成服后即葬，作冢令小，后祔便作小冢于滨口。合葬非古也。冢不须聚土成坟，使上与地平。王祥终制亦尔，不须輶车灵舁魁头也。不得朝夕下食。祭奠之法，至于葬，唯清水一杯。（《南史·沈麟士传》）

顾宪之

宪之字士思，吴郡吴人，宋镇军将军覬之孙。孝建初举秀才，历太子舍人、尚书比部郎、抚军主簿。元徽中，为建康令，

迁车骑功曹、晋熙王友。齐高帝执政，以为骠骑录事参军、太尉西曹掾、齐台中书侍郎。及受禅，除衡阳内史。永明初，为太尉从事中郎，历随王东中郎长史，行会稽太守，迁巴陵王南中郎长史，行婺州事，历给事黄门侍郎，兼尚书吏部郎中，出行南兖州事。建武中，迁太子中庶子，出为晋陵太守。永元初，历豫章太守。中兴末，征为扬州别驾从事，未拜。梁受禅，引疾归。天监二年就家授太中大夫，八年卒，年七十四。

南郊明堂异日议

《春秋传》以正月上辛郊祀，《礼记》亦云郊之用辛，《尚书》独云丁巳用牲于郊。先儒以为先甲三日辛，后甲三日丁，可以接天神之日。后汉永平二年正月辛未，宗祀光武皇帝于明堂，辛既是常郊之日，郊又在明堂之前，无容不郊而堂，则理应郊堂。（《南齐书·礼志上》，永明二年）

牛犂税格议

寻始立牛犂之意，非苟逼僦以纳税也。当以风涛迅险，人力不捷，屡致胶溺，济急利物耳。既公私是乐，所以输直无怨，京师航渡，即其例也。而后之监领者，不达其本，各务己功，互生理外。或禁遏别道，或空税江行，或扑船倍价，或力周而犹责，凡如此类，不经犂烦牛者，上详被报，格外十条，并蒙停寝，从来喧诉，始得暂弭。案吴兴频岁失稔，今兹尤谨，去乏从丰，良由饥棘，或征货〔《咸淳临安志》作“赍货”〕贸粒，还拯亲累，或提携老弱，陈力糊口，犂司责税，依俗弗降，旧格新减，尚未议登，格外加倍，将以何术？皇慈恤隐，振廩蠲调，而元懿幸灾推利，重增困瘼，人而不仁，古今共疾。且比见加格置市者，前后相属，非惟新加无赢，并皆旧格犹阙。愚恐元懿今启，亦当不殊，若事不副言，惧貽谴诘，便百方侵苦，为公贾怨。元懿稟性苛刻，已彰往效，任以物土，譬以狼将羊，其所欲举腹心，亦当虎而冠耳。《书》云，与其有聚敛之臣，宁有盗臣。此言盗公为损盖微，敛民所害乃大也。今雍熙在运，草

木含泽，其非事宜，仰如圣旨。然掌斯任者，应简廉平，廉则不窃于公，平则无害于民矣。愚又以便宜者，盖谓便于公宜于民也。窃见顷之言便宜者，非能于民力之外，用天分地者也。率皆即日不宜于民，方来不便于公，名与实反，有乖政体，凡如此等，诚宜深察。山阴一县，课户二万，其民贫不满三千者，殆将居半，刻又刻之，犹且三分馀一。凡有贫者，多是士人复除，其贫极者，悉皆露户役民三五属官，盖惟分定，百端输调，又则常然。比众局检校，首尾寻续，横相质累者，亦复不少。一人被摄，十人相迫，一绪裁萌，千孽互起，蚕事弛而农业废，贱取庸而贵举责，应公贍私，日不暇给，欲无为非，其可得乎？死且不惮，矧伊刑罚；身且不爱，何况妻子。是以前检未穷，后巧复滋，网辟徒峻，犹不能悛。窃寻民之多伪，实由宋季军旅繁兴，役赋殷重，不堪勤剧，倚巧祈优，积习生常，逐迷忘反。四海之大，黎庶之众，心用参差，难卒澄一。化宜以渐，不可疾责，诚存不扰，藏疾纳污，实增崇旷，务详宽简，则稍自归淳，又被简符，前后年月久远，其事不存，符旨既严，不敢暗信，县简送郡，郡简呈使，殊形诡状，千变万源。闻者忽不经怀，见者实足伤骇，兼亲属里伍，流离道路，时转寒涸，事方未已。其士人妇女，弥难厝衷，不简则疑其有巧，欲简复未知所安。愚谓此条，宜委县简保，举其纲领，略其毛目，囊漏不出贮中，庶婴疾沉痾者，重荷生造之恩也。又永兴诸暨，离唐宇之寇扰，公私残烬，弥复特甚，悦值水旱，实不易思。俗谚云，会稽打鼓送恤，吴兴步檐令史。会稽旧称沃壤，今犹若此，吴兴本是瘠土，事在可知，因循馀弊，诚宜改张。治元懿今启，敢陈管见。（《南齐书·陆慧晓传》，永明六年，宪之为随王东中郎长史，行会稽郡太守。时西陵戍主杜元懿启牛埭税格，乞为官领摄，世祖敕示会稽郡。此詎是事宜，可访察即启，宪之议并从而之。又见《南史》三十五，《咸淳临安志》八十九。）

终制

夫出生入死，理均昼夜，生既不知所从来，死亦安识所往？延陵所云，精气上归于天，骨肉下归于地，魂气则无所不之，良有以

也。虽复茫昧难征，要若非妄。百年之期，迅若驰隙。吾今豫为终制，瞑目之后，念并遵行，勿违吾志也。庄周、澹台，达生者也。王孙、士安，矫俗者也。吾进不及达，退无所矫。常谓中都之制，允理愜情，衣周于身，示不违礼，棺周于衣，足以蔽臭，入棺之物，一无所须，载以輜车，覆以粗布，为使人勿恶也。汉明帝天子之尊，犹祭以杼水脯糗，范史云：烈士之高，亦奠以寒水乾饭。况吾卑庸之人，其可不节衷也？丧易宁戚，自是亲亲之情，礼奢宁俭，差可得由吾意，不须常施灵筵，可止设香灯，使致哀者有凭耳。朔望祥忌，可权安小床，暂设几席，唯下素饌，勿用牲牢。蒸尝之祠，贵贱罔替，备物难办，多致疏怠。祠先人自有旧典，不可有阙，自吾以下，祠止用蔬食时果，勿同于上世也。示令子孙，四时不忘其亲耳。孔子云：“虽菜羹瓜祭，必齐如也。”本贵诚敬，岂求备物哉！（《梁书·顾宪之传》，临终为制，以敕其子。）

夏侯详

详字叔业，谯郡人。仕宋为郡主簿。太始中，除新汲令，转治中从事史，迁别驾，出为征虏长史、义阳太守。齐建武末，历游击将军、南新蔡太守，迁西中郎司马、新兴太守。梁台建，以为中领军，加散骑常侍、南郡太守，迁侍中、尚书右仆射。梁受禅，封宁都县侯，授右光禄大夫，改封丰城县公，加特进，迁车骑将军、湘州刺史。征为侍中、尚书右仆射、金紫光禄大夫，未至，卒，年七十四。赠右光禄大夫、开府仪同三司，谥曰景。

围郢城议

穷壁易守，攻取势难，顿甲坚城，兵家所忌。诚宜大弘经略，询纳群言，军主以下，至于匹夫，皆令献其所见，尽其所怀。择善而从，选能而用，不以人废言。不以多罔寡。又须量我众力，度贼樵粮，窥彼人情，权其形势。若使贼人众而食少，故宜计日而守之；食

多而力寡，故宜悉众而攻之。若使粮力俱足，非攻守所屈，便宜散金宝，纵反间。使彼智者不用，愚者怀猜，此魏武之所以定大业也。若三事未可，宜思变通，观于人情，计我粮谷。若德之所感，万里同符，仁之所怀，远迹归义，金帛素积，粮运又充，乃可以列围宽守，引以岁月，此王翦之所以克楚也。若围之不卒降，攻之未可下，间道不能行，金粟无人积，天下非一家，人情难可豫，此则宜更思变计矣。变计之道，实资英断，此之深要，难以纸宣，辄布言于席卫尉，特愿垂采。（《梁书·夏侯详传》）

伏曼容

曼容字公仪，平昌安丘人，晋著作郎滔曾孙。宋泰始中，为骠骑行参军，迁司徒参军，历江宁令，入拜尚书外兵郎。升明末，为辅国长史、南海太守。齐初，为通直散骑侍郎。永明初，为太子步兵校尉、率更令，迁中书侍郎、大司马谘议参军，出为武昌太守。建武中，拜中散大夫。梁台建，召拜司徒、司马，出为临海太守。天监元年卒官，年八十二，有《周易注》八卷。

车旗议

齐德尚青，五路五牛及五色幡旗，并宜以先青为次。军容戎事之所乘，牺牲茧握之所荐，并宜悉依尚色。三代服色，以姓音为尚，汉不识音，故还尚其行运之色。今既无善律，则大齐所尚，亦宜依汉道。若有善吹律者，便应还取姓尚。（《南齐书·舆服志》，永明初，太子步兵校尉伏曼容议。）

齐德尚青，车旗先青，次赤，次白，次黑。军容戎事，宜依汉道行运之色，因宋金根车而修玉辂，画轮，金涂，两箱上望板前优游，通绿金涂镂鏤，碧纹。箱凿镂金薄帖，两箱外织成衣，两箱里金涂镂回钉，玳瑁帖，望板箱上帖金。博山优游上和鍤立花趺衔铃，银带，玳瑁筒，优游下隐漆里施金涂镂回花钉，织成文。优游横前

施玳瑁帖金涂花钉，金涂倒龙，后损凿银玳瑁龟甲，金涂花杏。望板金涂受福，望龙诸校饰。轭及诸末皆螭龙首，龙形板在车前，银带花兽，金涂受福。缘里边镂鏤，玳瑁，织成衣，里金涂镂回花钉，外金涂博山，辟邪障，凤凰衔花，升盖，金涂镂鏤，二十八爪支子花，黄锦升〔一本作“外”〕衣，复碧绢漆布缘油顶绛丝织成颜茈赭舌孔雀毛，复绵缘纹，随阴悬诸珠蚌，佩金涂铃，云珠结彩绶杂色，真孔雀毼，一轅漆画车衡，银花带，衡上金涂博山，四鸾鸟立花趺衔铃，龙首衔轭，插翟尾，上下花杏，绛线丝的望绳八丈〔一本作“枚”〕。旗有十二旂，画升龙，竿首金涂，龙衔大邹幡，真毼，柴戟，织成衣，金涂杏驻，织成衣〔此三字一本作“及受福”〕。金涂雁镂鏤，漆安立床在车中，锦复黄纹为安立衣，锦复黄纹障泥八幅，长九尺，绿红锦茈带，织成花，五辂。江左丞相驾驷，左右骝为六，施绛丝游衔绳，其重轂贰辂，飞铃幡，赤油金紫，真毼，左纛，置左骝马轭上，金钁，方钁，繁纓，金涂紫皮带，真毼，横在马膺前，其镂锡皆如古制，初加玉辂为重盖，栖宝凤凰，缀金钁珠玳玉蚌珮，四角金龙衔五采毼，又麒麟头加以彩画，马首戴之。（《通典》六十四）

伏 暉

暉字玄耀，曼容子。起家齐奉朝请，至尚书都官郎。入梁，历中书郎、永阳内史、东阳太守、豫章内史，征为给事黄门郎。

答释法云书难范缜神灭论

猥垂班示至尊所答臣下审《神灭论》，伏奉渊旨，顿祛群疑，天情独照，妙鉴悬览，故非凡愚，所可钻仰。然常师管见，亦窃怀往求。今复稟承教义，远寻经旨，重规叠矩，信若符契。法师宣扬睿理，弘赞圣言，方使二教同归，真俗一致，预得餐沐海诱，陶染至化，扑击下风，实兼舞蹈，迟比谘覲，乃尽襟诚，临白欣佩，不知

裁述。伏暉呈。（《弘明集》十）

伏 挺

挺字士标〔《南史》作“士操”〕，暉子。齐末举秀才，对策第一。武帝举义，引为征东行参军。天监初，除中军参军，迁建康令。入为尚书仪曹郎，迁西中郎记室参军。历晋陵武康令，罢归。除南台治书，以罪亡匿，变服为道人。遇赦还俗，征入为京尹。有《述说》十卷，《集》二十卷。

致徐勉书

昔士德怀顾，恋兴数日，辅嗣思友，情劳一句，故知深心所系，贵贱一也。况复恩隆世亲，义重知己，道庇生人，德弘覆盖。而朝野悬隔，山川邈殊，虽咳唾时沾，而颜色不覿，东山之叹，岂云旋复；西风可怀，孰能无思？加以静居廓处，顾影莫酬，秋风四起，园林易色，凉野寂寞，寒虫吟叫。怀抱不可直置，情虑不能无托，时因吟咏，动辄盈篇。杨生沈郁，且犹覆盎，惠子五车，弥多踳驳。一日聊呈小文，不期过赏，还逮隆渥，累牍兼翰，纸缚字磨，诵复无已，徒恨许与过当，有伤准的。昔子建不欲妄赞陈琳，恐见嗤哂后代，今之过奢余论，将不有累清谈。挺窜迹草莱，事绝闻见，藉以讴谣，得之舆牧。仰承有事砭石，仍成简通，娱肠悦耳，稍从摈落，宴处荣观，务在涤除。绮罗丝竹，二列顿遣，方丈员案，三杯仅存，故以道变区中，情冲域外，操彼弦诵，贲兹观损。追留侯之却粒，念韩卿之辞荣，眷想东都，属怀南岳，钻仰来贶，有符下风。虽云幸甚，然则未喻。虽复帝道康宁，走马行却，由庚得所，寅亮有归。悠悠之人，展氏犹且攘袂；浩浩白水，宁叟方欲褰裳。是知君子拯物，义非徇己，思与赤松子游，谁其克遂。愿驱之仁寿，绥此多福。虽则不言，四时行矣。然后黔首有庇，荐绅靡夺，白驹不在空谷，屠羊豫蒙其贲，岂不休哉！岂不休哉！昔杜真自闭深室，郎宗绝迹幽